



意平無味語
平無色

87385

九懷



極運兮不中來將屈兮困窮余深愍兮慘怛願一
列兮無從乘日月兮上征顧遊心兮鄙艷彌覽兮
九隅一作彷徨彷彿兮蘭宮芷閭兮葯房奮搖兮衆芳菌閣
兮蕙樓觀道兮從橫寶金兮委積美玉兮盈堂桂
水兮潺湲揚流兮洋洋著蔡兮踴躍孔鶴一作鵠兮回翔
撫檻兮遠望念君兮不忘怫鬱兮莫陳永懷兮內
傷

右匡機

天門兮墜戶、孰由兮賢者、無正兮溷廁、懷德兮何
覩、假寐兮愍斯、誰可與兮寤語、痛鳳兮遠逝、畜鵠
兮近處、鯨鱣兮幽潛、從鰕兮遊階、乘虬兮登陽、載
象兮上行、朝發兮蔥嶺、夕至兮明光、北飲兮飛泉、
南采兮芝英、宣遊兮列宿、順極兮彷徨、紅采兮騁
衣、翠縹兮爲裳、舒佩兮綝纚、竦余劒兮干將、騰蛇
兮後從、飛駟兮步旁、微觀兮玄圃、覽察兮瑤光、啓
匱兮探筴、悲命兮相當、紉蕙兮永辭、將離兮所思、
浮雲兮容與、道余兮何之、遠望兮仟眠、聞雷兮闐

微有致

闐陰憂兮感余惆悵兮自怜

右通路

林不容兮鳴蜩余何留兮中州陶嘉月兮總駕寧
玉英兮自脩結榮蔭兮逶迤將去烝兮遠遊往岱
土兮魏闕歷九曲兮牽牛聊假日兮相伴遺光耀
兮周流望太一兮淹息紆余轡兮自休晞白日兮
皎皎彌遠路兮悠悠顧列字兮縹緲觀幽雲兮陳
浮鉅寶遷兮攀兮音引砢礪雉咸雝兮相求決莽莽兮究志
懼吾心兮憐憐步余馬兮飛柱覽可與兮匹儔卒

莫有兮纖介、求余思兮恤恤。

右危俊

世溷兮冥昏、違君兮歸真、乘龍兮偃蹇、高回翔兮

上臻、襲英衣兮緹縉、感妾音披華裳兮芳芬、登羊角兮扶

輿、浮雲漠兮自娛、握神精兮雍容、與神人兮相胥、

流星墜兮成雨、進隣盼兮鄰盼上丘墟、覽舊邦兮滄鬱、

余安能兮久居、志懷逝兮心慟慄、紆余轡兮躊躇、

聞素女兮微歌、聽王后兮吹竽、覓悽愴兮感哀腸、

回回兮盤紆、撫余佩兮續紛、高太息兮自憐、使祝

融兮先行。令昭明兮開門。馳六蛟兮上征。竦余駕兮入冥。歷九州兮索合。誰可與兮終生。忽反顧兮西園。覩軫丘兮崎傾。橫垂涕兮泣流。悲余后兮失靈。

右昭世

季春兮陽陽。列草兮成行。余悲兮蘭生。委積兮從橫。江離兮遺捐。辛夷兮擠臧。伊思兮往古。亦多兮遭殃。伍胥兮浮江。屈子兮沈湘。運余兮念茲。心內兮懷傷。望淮兮沛沛。濱流兮則逝。榜舫兮下流。東

注兮

若蓋

磕磕

一本蛟龍沃兮

蛟龍兮

導引

文魚兮

上瀨

抽蒲兮

陳坐

援芙蕖兮

一本援英兮一本拔英兮

爲蓋

水躍兮

余旌

繼以兮

微蔡

雲旗兮

電驚

儵忽兮

容裔

河伯兮

開門

迎余兮

歡欣

顧念

兮舊都

懷恨兮

艱難

竊哀兮

浮萍

汎淫兮

無根

右尊嘉

秋風兮

蕭蕭

舒芳兮

振條

微霜兮

眇眇

病歿兮

鳴

蜩玄鳥兮

辭歸

飛翔兮

靈丘

望谿兮

滄鬱

熊羆兮

呶呶

唐虞兮

不存

何故兮

久留

臨淵兮

汪洋

顧林

兮忽荒

脩余兮

圭

袿衣

騎霓兮

南上

杳雲兮

回回

壘

疊兮自強將息兮蘭皋失志兮悠悠
紛蒨蘊兮梅黻鰲
思君兮無聊身去兮意存
愴恨兮懷愁

右蓄英

登九靈兮遊神一作精靜女歌兮微晨
悲皇丘兮積葛衆

體錯兮交紛貞枝抑兮枯槁
枉車登兮慶雲感余

志兮慘慄心愴愴兮自憐
駕玄螭兮北征一本悲兮擲吾路

兮蔥嶺連五宿兮建旄揚氛氣兮爲旌
歷廣漠兮

馳驚覽中國兮冥冥玄武步兮水母
與吾期兮南

榮登華蓋兮乘陽聊逍遙兮播光
抽庫婁兮酌醴

有之兮世惟
猶云涵之者
天下皆是也
是歌後句

援^抱匏瓜兮接糧畢休息兮遠逝發玉軻兮西行惟
時俗兮疾正弗可久兮此左寤辟標兮未思心怫
鬱兮內傷

右思忠

覽杳杳兮世惟余惆悵兮何歸傷時俗兮溷亂將
奮翼兮高飛駕八龍兮連蜷建虹旌兮威夷觀中
宇兮浩浩紛翼翼兮上躋浮溺水兮舒光淹低徊
兮京汴屯余車兮索友覩皇公兮問師道莫遺兮
歸真羨余術兮可夷吾乃逝兮南娛道幽路兮九

疑越炎火兮萬里過萬首兮嶷嶷一作旌旌濟江海兮蟬蛻
絕比梁兮未辭浮雲鬱兮晝昏霾土忽兮梅磨三音座座息
陽城兮廣夏衰色罔兮中息意曉陽兮燎寤乃息
軫兮存茲思堯舜兮襲典幸咎繇兮獲謀悲九州
兮靡君撫軼歎兮作詩

右陶壅

悲哉于嗟兮心內切嗟欸冬而生兮凋彼葉柯瓦
礫進寶兮捐棄隨和鉛刀厲御兮頓棄太阿驥垂
兩耳兮中坂蹉跎蹇驢服駕兮無用日多脩潔處

幽兮貴寵沙，磨鳳皇不翔兮。鶉鴝飛揚，乘虹驂蜺兮。載雲變化，鵠鳴開路兮。後屬青蛇，步驟桂林兮。超驤卷阿，丘陵翔儼兮。谿谷悲歌，神章靈篇兮。赴曲相和，余私娛茲兮。孰哉復加，還顧世俗兮。壞敗罔羅，卷佩將逝兮。涕流滂沱。

右株昭

一本皇開門兮

亂曰：皇門開兮，照下土。株穢除兮，蘭芷覩。四佞放兮，後得禹。聖舜攝兮，昭堯緒。孰能若兮，願爲輔。

九懷者諫議大夫王褒之所作也。懷者思也。言屈原雖見放逐，猶思念其君，憂國傾危而不能

忘也。襄讀屈原之文，嘉其溫雅藻采，敷衍執握，金玉委之污瀆，遭世溷濁，莫之能識，追而愍之，故作九懷以裨其詞。

史官錄第，遂列于篇。

諫懷歎思可論，工拙於句字間耳。如王子淵者，乃不足以當唐宋之中，駟其負文名於當時，何耶？

[Faint vertical text columns, likely bleed-through from the reverse side of the page.]

聘詞有之曜
德則未也

九歎

伊伯庸之末胄兮，諒皇直之屈原。云余肇祖于高陽兮，惟楚懷之嬋連。原生受命于貞節兮，鴻永路有嘉名。齊名字於天地兮，並光明於列星。吸精粹而吐氛濁兮，橫邪世而不取容。行叩誠而不阿兮，遂見排而逢讒。后聽虛而黜實兮，不吾理而順情。腸憤悵而含怒兮，志遷蹇而左傾。心懔懔而不我與兮，躬速速而不吾親。辭靈脩而隕意兮，吟澤畔之江濱。椒桂羅以顛覆兮，有竭信而歸誠。讒夫藹

藹而曼著兮。曷其不舒予情。始結言於廟堂兮。信
中塗而叛之。懷蘭蕙與蘅芷兮。行中壅而散之。聲
哀哀而懷高丘兮。心愁愁而思舊邦。願承閒而自
恃兮。徑淫^{於計}暄而道塵^雍。顏徽鰲以沮敗兮。精越裂而
衰耄。裳襜襜而含風兮。衣納納而掩露。赴江湘之
湍流兮。順波湊而下降。徐徘徊^{作低}於山阿兮。飄風來
之洶洶。馳余車兮。玄石步余馬兮。洞庭平明發兮。
蒼梧夕投宿兮。石城芙蓉蓋而淩華車兮。紫貝闕
而玉堂。薜荔飾而陸離薦兮。魚鱗衣而白蜺裳。登

畧有境

逢龍而下墮兮，違故都之漫漫。一作曼。思南郢之舊俗兮，
腸一夕而九運。揚流波之潢潢兮，體溶溶而東回。
心怊悵以未思兮，意晻晻而自頽。白露紛紛以塗
塗兮，秋風瀏瀏以蕭蕭。身未流而不還兮，竟長逝
而常愁。

歎曰：譬彼流水，紛揚丘蓋。波逢洶涌，紛滂沛兮。榆
揚滌盪，漂流隕往。觸岑石兮，龍邛力轉。將圉繚戾，宛轉
阻相薄兮。遭紛逢凶，蹇離尤兮。垂文揚采，遺將來
兮。

全不成章

醜拙

右逢紛

靈懷其不吾知兮，靈懷其不吾聞。就靈懷之皇祖兮，
愬靈懷之鬼神。靈懷曾不吾知兮，卽聽夫讒人之諛辭。
余辭上參於天墜兮，旁引之於四時。指日月使延照兮，
撫招搖以質正。立師曠俾端詞兮，命咎繇使並聽。
兆出名曰正則兮，卦發字曰靈均。余幼既有此鴻節兮，
長愈固而彌純。不從俗而被寄諛行兮，直躬指而信志。
不枉繩以追曲兮，屈情素以從事。端余行其如玉兮，
述皇輿之踵跡。羣阿容以晦

光兮皇輿覆以幽辟。輿中塗以回畔兮。駟馬驚而
橫犇。執組者不能制兮。必折軛而摧轅。斷鑣銜以
馳驚兮。暮去次而敢止。路蕩蕩其無人兮。遂不禦
乎千里。身衡陷而下沈兮。不可獲而復登。不顧身
之卑賤兮。惜皇輿之不興。出國門而端指兮。方冀
壹寤而錫還。哀僕夫之坎毒兮。屢離憂而逢患。九
年之中不吾反兮。思彭咸之水遊。惜師延之浮渚
兮。赴汨羅之長流。遵曲江之逶移兮。一作地觸石碣而衡
遊。波澧澧而揚澆兮。乃父及冬音開順長瀨之濁流。凌黃沱而下

低兮思還流而復反。玄輿馳而並集兮。身容與而
日遠。擢舟杭以橫瀾兮。哀寧涇湘流而南極。立江界而
長吟兮。愁哀哀而累息。情慌忽以忘歸兮。神浮遊
以高厲。志蚤蚤而懷顧兮。覓眷眷而獨逝。

歎曰。余思舊邦。心依違兮。日暮黃昏。嗟幽悲兮。去
郢東遷。余誰慕兮。讒夫黨旅。其以茲故兮。河水淫
淫。情所願兮。顧瞻郢路。終不返兮。

右靈懷

惟鬱鬱之憂毒兮。志坎壈而力感不違。身憔悴而考旦

兮日黃昏而長悲、閔空宇之孤子兮、衰枯楊之寃
鵲、孤雌吟於高墉兮、鳴鳩棲於桑榆、玄蜃失於潛
林兮、獨偏棄而遠放、征夫勞於周行兮、處婦憤而
長望、申誠信而罔違兮、情素潔於紉帛、光明齊於
日月兮、文采耀於玉石、傷壓次而不發兮、思沈抑
而不揚、芳懿懿而終敗兮、名糜散而一作靡不彰、背玉門
以犇驚兮、蹇離尤而干詬、若龍逢之沈首兮、王子
比干之逢醢、念社稷之幾危兮、反爲讐而見怨、思
國家之離沮兮、躬獲愆而結難、若青蠅之僞質兮、

晉驪姬之反情、恐登階之逢殆兮、故退伏於末庭、
孽子之號咷兮、本朝蕪而不治、犯顏色而觸諫兮、
反蒙辜而被疑、苑薜蘿與菌若兮、漸藁本於滄瀆、
淹芳芷於腐井兮、弄雞駭於筐籠、執棠谿以刺蓬、
兮、秉干將以割肉、筐澤瀉以豹鞞兮、破荆和以繼
築、時溷濁猶未清兮、世殺亂猶未察、欲容與以俟
時兮、懼年歲之旣晏、顧屈節以從流兮、心鞏鞏而
不夷、寧浮沉而馳騁兮、下江湘以遄迴、

歎曰、山中檻檻、余傷懷兮、征夫皇皇、其孰依兮、經

營原野杳冥冥兮，乘騏驎騁驥，舒吾情兮，歸骸舊邦。
莫誰語兮，長辭遠逝，乘湘去兮。

一作余

一作流

右離世

志隱隱而鬱怫兮，愁獨哀而冤結，腸紛紜以繚轉兮，涕漸漸其若屑，情慨慨而長懷兮，信上皇而質正，合五嶽與八靈兮，訊九魁與六神，指列宿以白情兮，訴五帝以置詞，北斗爲我質中兮，太一爲余聽之，云服陰陽之正道兮，御后土之中和，佩蒼龍之蚺虬兮，帶隱虹之透蜺，曳彗星之皓肝兮，撫朱

唐

爵與鷄鵲遊青霧之颯戾兮服雲衣之披披杖玉

策與朱旗兮垂明月之玄珠舉霓旌之曄曄兮建

黃昏之總旄躬純粹而罔愆兮承皇考之妙儀惜

往事之不合兮橫汨羅而下厲平乘隆波而南度兮

逐江湘之順流赴陽侯之潢洋兮下石瀨而登洲

陸魁堆以蔽視兮雲冥冥而闇前山峻高以無垠

兮遂曾閔而迫身雪雰雰而薄木兮雲霏霏而隕

集阜隘狹而幽險兮石嶮楚辭嵯以翳日悲故鄉而發

忿兮去余邦之彌久背龍門而入河兮登大墳而

望夏首、橫舟航而濟湘兮。耳聊啾而懍慌、波淫淫而周流兮。鴻溶勇溢而滔蕩、路曼曼其無端兮。周容志而無識、引日月以指極兮。少須臾而釋思去、水波遠以冥冥兮。眇不睹其東西、順風波以南北兮。霧宵晦以紛闇、日杳杳以西頽兮。路長遠而窘迫、欲酌醴以娛意一作憂兮。蹇騷騷而不釋。

歎曰、飄風蓬龍、埃拂拂兮。草木搖落、時槁悴遂兮。遭傾遇禍、不可救兮。長吟未歎、涕煢煢兮。舒情嗽詩、冀以自免兮。頽流下逝、身日以遠兮。

右怨思

悲余性之不可改兮，屢懲艾而不迆，服覺酷以殊。作薄
俗兮，貌揭揭以巍巍，譬若王僑之乘雲兮，載赤霄
而凌太清，欲與天地參壽兮，與日月而比榮，登崑
崙而北首兮，狩悉靈囿而來謁，選鬼神於太陰兮，登
閭闔於玄闕，回朕車俾西引兮，褰虹旗於玉門，馳
六龍於三危兮，朝四靈於九濱，結余軫於西山兮，
橫飛谷以南征，絕都廣以直指兮，歷祝融於朱冥，
枉玉衡於炎火兮，委兩館於咸唐，貫瀕水濛以東竭，去竭

兮維六龍於扶桑周流覽於四海兮志升降以高
馳徵九神於回極兮建虹采以招指駕鸞鳳以上
遊兮從玄鶴與鷦朋一作明鷦孔鳥飛而送迎兮騰羣鶴於
瑤光排帝宮與羅囿兮升縣圃以眩滅結瓊枝以
雜佩兮立長庚以繼日凌驚雷以軼駭電兮綴鬼
谷於北辰鞭風伯使先驅兮囚靈玄於虞淵愬高
風以徘徊兮覽周流於朔方就顓頊而噉詞兮考
玄冥於空桑旋車逝於崇山兮奏虞舜於蒼梧滢
楊舟於會稽兮就申胥於五湖見南郢之流風兮

殞余躬於沅湘望舊邦之黯黯兮柳處時溷濁猶未央

懷蘭茝之芬芳兮妬被離而折之張絳帷以襜襜

兮風邑邑而蔽之日暍他暍其西舍兮陽炎炎而復

顧聊假日以須臾兮何騷騷而自故

歎曰即逢紛章法譬彼蛟龍乘雲浮兮汎淫永湏溶紛若霧兮潺

湲轆轤雷動電發雲馭高舉兮升虛凌冥沛獨浮清

入帝宮兮搖翹奮羽馳風騁雨遊無窮兮

右遠逝

覽屈氏之離騷兮心哀哀而怫鬱聲嗷嗷以寂寥

兮顧僕夫之憔悴逐律撥諂諛而匡邪兮切渙忍之流俗盪漚淩之姦咎兮夷蠹蠹之溷濁懷芬香而挾蕙兮佩江蘺之菲菲握申椒與杜若兮冠浮雲之峨峨登長陵而四望兮覽芷圃之蠡蠡遊蘭皋蕙林兮睨玉石之嶮嵯揚精華以眩耀兮芳鬱渥而純美結桂樹之旖旎兮紉荃蕙與辛夷芳若茲而不御兮捐林薄而菀死驅子僑之犇走兮申徒狄之赴淵若夷由之純美兮介子推之隱山晉申生之離殃兮荆和氏之泣血吳子胥之抉眼兮王

子比干之橫廢欲卑身而下體兮心隱惻而不置
方圓殊而不合兮鉤繩用而異態欲埃時於須臾
兮日陰曠其將暮時遲遲其日進兮年忽忽而日
度妄周容而入世兮內距閉而不開埃時風之清
激兮愈氛霧其如塵媒進雄鳩之耿耿兮讒紛紛而
蔽之默順風以偃仰兮尚由由而進之心憤恨以
寃結兮情舛錯以曼憂攀薜荔於山野兮采撚枝
於中州望高丘而歎涕兮悲吸吸而長懷孰契契
而委棟兮日晻晻而下頽

歎曰、油油江湘、長流汨兮、挑揄揚波、盪迅疾兮、憂
心展轉、愁怫鬱兮、寃結未舒、長隱忿兮、丁時逢殃、
孰可奈何兮、勞心涓涓、涕滂沱兮、

右惜賢

悲余心之悄悄兮、哀故邦之逢殃、辭九年而不復
兮、獨瑩瑩而南行、思余俗之流風兮、心紛錯而不
受、遵壑莽以呼風兮、步從容於山藪、巡陸夷之曲
衍兮、幽空虛以寂寞、倚石巖以流涕兮、憂憔悴而
無樂、登嶺岼以長企兮、望南郢而闕之、山脩遠其

遼遼兮塗漫漫其無時聽玄鶴之晨鳴兮于高岡
之峨峨獨憤積而哀娛兮翔江洲而安歌三鳥飛
飛以自南兮覽其志而欲北願寄言於三鳥兮去
飄疾而不可得欲遷志而改操兮心紛結而未離
外彷徨而遊覽兮內惻隱而含哀聊須臾以時忘
兮心漸漸其煩錯願假簧以舒憂兮志紆鬱其難
釋歎離騷以揚意兮猶未殫於九章長噓吸以於
悒兮涕橫集而成行傷明珠之赴泥兮魚眼璣之
堅藏同鴛鴦與乘駟兮雜班駁與闌葺葛藟蘩於

桂樹兮鴟鴞集於木蘭，偃蹇談於廊廟兮，律魁放
乎山間。惡虞氏之簫韶兮，好遺風之激楚。潛周鼎
於江淮兮，爨土_尋驚於中宇。且人心之有舊兮，而不
可保長。遭彼南道兮，以征夫宵行。思念郢路兮，還
顧睠睠。涕流交集兮，泣下漣漣。

歎曰：登山長望，中心悲兮。苑彼青青，泣如頽兮。留
思北顧，涕漸漸兮。折銳摧矜，凝汜濫兮。念我瑱瑱，
覓誰求兮。僕夫慌悴，散若流兮。

右憂苦

佳句

佳句

昔皇考之嘉志兮，喜登能而亮賢。情純潔而罔蕝_畏兮，姿盛質而無愆。放佞人與諂諛兮，斥讒夫與便嬖。親忠正之惻誠兮，招貞良與明智。心溶溶其不可量兮，情澹澹其若淵。回邪辟而不能入兮，誠願藏而不可遷。逐下秩於後堂兮，迎宓妃於伊雒。荆譏賊於中_溜兮，選呂管於榛薄。叢林之下無怨士兮，江河之畔無隱夫。三苗之徒以放逐兮，伊臯之倫以充廬。今反表以爲裏兮，顛裳以爲衣。戚宋萬於兩楹兮，廢周邵於遐夷。却騏驎以轉運兮，騰驢

只反表以為
裏顛蒙以為
永已見大致
頤：不已有
何意味

羸以馳逐。蔡女黜而出帷兮。戎婦入而綵繡服。慶
忌囚於阱室兮。陳不占戰而赴圍。破伯牙之號鐘
兮。挾人箏而彈緯。藏璿石於金匱兮。捐赤瑾於中
庭。韓信蒙於介冑兮。行夫將而攻城。莞芎棄於澤
洲兮。咆蠓蠹於筐籠。麒麟奔於九臯兮。熊羆羣而
逸囿。折芳枝與璫華兮。樹枳棘與薪柴。掘荃蕙與
射干兮。耘藜藿與蘘荷。惜今世其何殊兮。遠近思
而不同。或沈淪其無所達兮。或清激其無所通。哀
余生之不當兮。獨蒙毒而逢尤。雖蹇蹇以申志兮。

君垂差而屏之。誠惜芳之菲菲兮。反以茲爲腐也。
懷椒聊之藹藹兮。乃逢紛以罹詬。

歎曰。嘉皇旣歿。終不返兮。山中幽險。郢路遠兮。讒
人譏譏。孰可愬兮。征夫罔極。誰可語兮。行嗟累歎。
聲喟喟兮。懷憂含戚。何侘傺兮。

右愍命

冥冥深林兮。樹木鬱鬱。山參差以嶮巖兮。阜杳杳
以蔽日。悲余心之悄悄兮。目眇眇而遺泣。風騷屑
以搖木兮。雲吸吸以湫戾。悲予生之無歡兮。愁倥

惚於山陸旦徘徊於長阪兮夕彷徨而獨宿髮披
披以鬢鬢兮躬劬勞而瘠悴覓怔怔而南行兮泣
霑襟而濡袂心嬋媛而無告兮口噤閉而不言違
郢都之舊閭兮回湘沅而遠遷念余邦之橫陷兮
宗鬼神之無次閔先嗣之中絕兮心遑惑而自悲
聊浮遊於山陬兮步周流於江畔臨深水而長嘯
兮且倘佯而汜觀興離騷之微文兮冀靈脩之壹
悟還余車於南郢兮復往軌於初古道脩遠其難
遷兮傷余心之不能已背三五之典刑兮絕洪範

之辟紀播規渠以背度兮錯權衡而任意操繩墨
而放棄兮傾容幸而侍側甘棠枯於豐草兮藜棘
樹於中庭西施斥於北宮兮此一作灰惟倚於彌楹烏獲
戚而驂乘兮燕公操於馬圉蒯聵登於清府兮咎
繇棄於一作棄而在野壑外蓋見茲以未歎兮欲登階而狐疑棄
白水而高驚兮因徙弛而長詞一作馳

歎曰倘佯墟阪沼水深兮容與漢渚涕淫淫兮鍾
牙已死誰爲聲兮纖阿不遇焉舒情兮曾哀悽欷
心離離兮還顧高丘泣如灑兮

右思古

九歎者護左都水使者光祿大夫劉向之所作也向以博古敏達典校經書辯章舊文追念屈原忠信之節故作九歎歎者傷也息也言屈原放於山澤猶傷念君歎息無已所謂讚賢以輔志騁詞以曜德者也

朱紫陽云七
諫九懷九歎
九思雖為賴
體然其辭氣
平緩意不淡
切如無所疾
痛而強為呻
塗者諫歎或
粗有可觀兩
王則早已甚
矣故雖附書
尾而人莫之
讀今亦不復
以累篇帙也

九思

成何句法

悲兮愁，哀兮憂。天生我兮當闡時，被詠譖兮虛獲。
尤，心煩憤兮意無聊。留嚴載駕兮出戲遊，周八極兮
歷九州。求軒轅兮索重華，世既卓兮遠眇眇。握佩
玖兮中路躇。除羨皐繇兮建典謨，懿風后兮受瑞圖。
愍余命兮遭六極，委玉質兮於泥塗。遽俾遑兮驅
林澤，步屏營兮行丘阿。車軌折兮馬虺頽，慙悵立
兮涕滂沱。思丁文兮聖明哲，哀平差兮迷謬愚。呂
傅舉兮殷周興，忌嚮專兮郢吳虛。仰長歎兮氣餒。噓

結悵^噓殞絕^溫兮活復蘇虎兕爭兮於廷中豺狼鬪兮
我之隅雲霧會兮日冥晦飄風起兮揚塵埃走鬯
定^尚兮作東西欲竄伏兮其焉如念靈閨兮奧重深
輒願竭節兮隔無由望舊邦兮路委隨憂心悄兮
志勤劬覓^覓覓^覓兮不遑寐目眩眩兮寤終朝

右逢尤

令尹兮謦謦羣司兮譴譴^{奴侯}哀哉兮湍湍^骨上下兮同
流菽藟兮蔓衍芳藿^覽兮挫枯朱紫兮雜亂曾莫兮
別諸倚此兮巖穴永思兮窈悠嗟懷兮眩惑用志

兮不昭將喪兮玉斗遺失兮鈕樞我心兮煎熬惟

是兮用憂一作進惡集慕兮九旬一作後退顧兮彭務擬斯兮二蹤

未知兮所投謠吟兮中塋上察兮璇璣大火兮西

睨攝提兮運低雷霆兮即硤若蓋礧即礧若蓋雹霰兮霏霏奔電兮

光晃涼風兮愴悽鳥獸兮驚駭相從兮宿棲鴛鴦

兮嚙嚙狐狸兮作微嶽嶽哀吾兮介特獨處兮罔依作微螻

蛄兮鳴東予蠱節蠱兮號西次載緣兮我裳蜀蠋入兮我懷

蟲豸兮夾余惆悵兮自悲佇立兮刀忉怛心結骨緝兮

折摧

右怨上

周徘徊兮漢渚求水神兮靈女嗟此國兮無良謀

女

訥 今

連妻 譴護

鵲列兮譁謹鴈鵠鳴兮聒余抱昭

華兮寶璋欲銜鬻兮莫收言逝邁兮北徂叫我友

今配耦

日陰暄兮未光

嘉字消徒帝 間

晞霓兮靡睹紛載驅兮

高馳將諮詢兮皇義遵河臯兮周流路變易兮時

乖

厲 瀾滄海兮東逝

沐盥浴兮天池訪太昊兮道要

云靡貴兮仁義志欣樂兮反征就周文兮邠岐秉

玉英兮結誓日欲暮兮心悲惟天祿兮不再背我

信兮自違、踰隴堆兮渡漢一作漢、過桂車兮合黎、赴崑山
兮一作裹、騷從盧敖兮棲遲一作兜、吮玉液兮止渴、齧芝華兮
療饑居寥、廓兮渺疇、遠梁昌兮幾迷、望江漢兮獲
渚若、心緊參兮傷懷、時肫肫兮且旦、塵漠漠兮未晞、
憂不暇兮寢食、吒增歎兮如雷、

右疾世

哀世兮睍睍祿、譏譏兮嗌益喔屋、衆多兮阿媚、骭委靡兮成
俗、貪枉兮黨比、貞良兮煢獨、鵠竄兮枳棘一作鵠、鵲集兮
帷幄計如、薊計如兮青葱、橐本兮萎落、覩斯兮僞惑、心爲

兮隔錯逡巡兮圃藪率彼兮吟陌川谷兮淵淵山
崑兮^業砢砢^落叢林兮崕崕林榛兮岳岳霜雪兮^翠淮^沂澄
冰凍兮洛澤東西兮南北罔所兮歸薄庇廕兮枯
樹匍匐兮巖石蹢躅兮寒局數^促獨處兮志不申年
齒盡兮命迫促魁纍擠摧兮常困辱含憂強老兮
愁無樂鬚髮蔓頽兮^票顙^票鬢白思靈澤兮一膏沐懷
蘭英兮把瓊若待天明兮立躑躅雲濛濛兮電儻
爍孤鷗驚兮鳴^握啍啍思^佛怫鬱兮肝切剝^{一緣}忿^{一緣}悵悵兮
孰訴告

右憫上

悼屈子兮遭厄，沈玉躬兮湘汨。死何楚國兮難化，迄

于今兮不易。士莫志兮羔裘，競佞諛兮讒鬩。闖指

正義兮爲曲，訛紫璧玉兮爲石。鵲鵬遊兮華屋，鷄鶩

棲兮柴族。起奮迅兮奔走，違羣小兮謏侯詢。載青雲

兮上昇，適昭明兮所處。躡天衢兮長驅，踵九陽兮

戲蕩。越雲漢兮南濟，秣余馬兮河鼓。霄霓紛兮晻

翳，參辰回兮顛倒。逢流星兮問路，顧指我兮從左。

俚嫫皆兮直馳，御者迷兮失軌。遂踴達兮邪造，與

日月兮殊道，志闕絕兮安如。哀所求兮不耦，攀天
階兮一作倪下視。見鄢郢兮舊宇，意逍遙兮欲歸。衆穢盛
兮杳杳，思哽饁兮詰訕。涕流瀾兮如雨。

右遭厄

嗟嗟兮悲夫，殽亂兮紛拏。茅絲兮同綵，冠屨兮共
絢具字。督萬兮侍宴，周邵兮負蕝。白龍兮見射，靈龜兮
執拘。仲尼兮困厄，鄒衍兮幽囚。伊余兮念茲，奔遁
兮隱居。將升兮高山，上有兮猴猿。欲入兮深谷，下
有兮虺蛇。左見兮鳴鵙古覓切，右睹兮呼梟。惶悸兮失氣，

踊躍兮距跳、便旋兮中原、仰天兮增歎、奸菅蒯兮埜
莽、貫藿葦兮千眠、鹿蹊兮_{湍聲}斷斷、湍貉兮_{淫潭二音}蟬蟬、耀鷖鷖兮
軒軒、鷖同鷖鷖兮甄甄、哀我兮寡獨、靡有兮匹倫、意欲
兮沈吟、迫日兮黃昏、玄鶴兮高飛、增逝兮青冥、鷖
鷖兮喈喈、山鵲兮嚶嚶、鴻鷖兮振翅、歸鴈兮于征、
吾志兮覺悟、懷我兮聖京、垂屣兮將起、主跼埃兮須
明、

右悼亂

惟昊天兮昭靈、陽氣發兮清明、風習習兮_蘇煖、百

草萌兮華榮，董荼茂兮敷疏。蘅芷彫兮瑩嫫，愍貞

冥

良兮遇害，將夭折兮碎糜。一作靡時混混兮澆饋，哀當世

一作靡

贊

兮莫知，覽往昔兮俊彥。亦訕辱兮係纆，管束縛兮

桎梏。百賀易兮傳賣，遭桓繆兮識舉。才德用兮列

施，且從容兮自慰。玩瑟書兮遊戲，希追中國兮迂陋。

吾欲之兮九夷，超五嶺兮嵯峨。觀浮石兮崔嵬，陟

丹山兮炎野。屯余車兮黃支，就祝融兮稽疑。嘉已

去竭

據章化三音

行兮無爲，乃回竭兮北逝。遇神媼兮宴娛，欲靜居

兮自娛。心愁感兮不能，放余轡兮策駟。忽風騰兮

雲浮蹠飛杭兮越海從安期兮蓬萊緣天梯兮北
上登太一兮玉臺使素女兮鼓簧乘戈馘兮謳謠
聲噉宛詭兮清和音晏衍兮要姪咸欣欣兮酣樂余
眷眷兮獨悲顧章華兮太息志戀戀兮依依

右傷時

旻天兮清涼玄氣兮高朗北風兮潦烈草木兮蒼
唐穴呶呶兮噍噍唧蛆兮穰穰歲忽忽兮惟暮余感
時兮悽愴傷俗兮泥濁矇蔽兮不章寶彼兮砂礫
捐此兮夜光椒瑛兮涅汗藁耳兮充房攝衣兮緩

帶操我兮墨陽昇車兮命僕將馳兮四荒下堂兮
見蠱出門兮觸蠡巷有兮蚰蜒邑多兮螳螂睹斯
兮嫉賊心爲兮切傷俛念兮子胥仰憐兮比干投
劍兮脫冕龍屈兮蜿蜒全潛藏兮山澤匍匐兮叢攢
窺見兮溪澗流水兮沄沄鼃鼃兮欣欣鱸鮓年兮延
延羣行兮上下駢羅兮列陳自恨兮無友特處兮
瑩瑩冬夜兮陶陶雨雪兮冥冥神光兮頽頽耿同鬼火
兮熒熒脩德兮困控愁不聊兮遑生憂紆兮鬱鬱
惡所兮寫情

右哀歲

陟玉巒兮逍遙覽高岡兮嶢嶢桂樹列兮紛敷吐
紫華兮布條實孔鸞兮所居今其集兮惟鶚烏鵲
驚兮啞啞余顧瞻兮怛怛彼日月兮闇昧障覆天
兮祲氛伊我后兮不聰焉陳誠兮効忠攄羽翮兮
超俗遊陶遨兮養神乘六蛟兮蜿蜒遂馳騁兮陞
雲揚晢光兮爲旗秉電策兮爲鞭朝晨發兮鄢郢
食時至今增泉繞曲阿兮北次造我車兮南端謁
玄黃兮納贄崇忠貞兮彌堅歷九宮兮徧觀睹祕

藏兮寶珍、就傳說兮騎龍、與織女兮合婚、舉天_畢
兮掩邪、穀天弧兮射姦、隨真人兮翱翔、食元氣兮
長存、望太微兮穆穆、睨三階兮炳分、相輔政兮成
化、建烈業兮垂勳、日警警兮西沒、道遐迥兮阻歎、
志_蓄穡積兮未通、悵敞罔兮自憐、

右守志

亂曰、天庭明兮雲霓藏、三光朗兮鏡萬方、斤_昔蜩_益
兮進龜龍、策_{一云奮策謀}謀從兮翼機衡、配稷契兮恢_{一作虞}唐功、嗟
英俊兮未爲雙、

九思者王逸之所作也自屈原終沒之後忠臣
介士遊覽學者讀離騷九章之文莫不愴然心
爲悲感高其節行妙其麗雅至劉向王褒之徒
咸嘉其義作賦騁辭以讚其志則皆列於譜錄
世世相傳逸與屈原同土共國悼傷之情與凡
有異竊慕向褒之風作頌一篇號曰九思以裨
其辭未有解脫
故聊訓誼焉

古文之必傳者如雲蒸霞蔚石皴波紋極平常
極變幻却自然天成不可模倣若可倣者定非
至文賈生小山得騷之意而自出機杼者也以
後倣之愈似去之愈遠紫陽作楚辭集註焚去
諫懷歎思四篇極是

皇明萬曆庚申烏程閔齊伋遇五父校

